



UNIVERSITÄTS-  
BIBLIOTHEK  
PADERBORN

**Roberti Tvrneri Viri Doctissimi Professoris In Academia  
Ingolstadiensi Orationvm. Volvmen ...**

**Turner, Robert**

**Coloniae Agrippinae, 1625**

5. In Comitiiis MM.coram Regina Ang. Elizabetha.

---

[urn:nbn:de:hbz:466:1-69519](https://nbn-resolving.org/urn:nbn:de:hbz:466:1-69519)

262 - EDMUNDI CAMPIANI  
deramus & ipso corporis immortalis capite  
Christo seruatori nostro perfruemur. Dixi.

---

ORATIO V. MAGISTRI EDMUNDI  
Campiani habita Oxonij in Comitio  
Magistorum coram regina Angliæ  
Elizabetha, in naturali Philosophia  
respondentis. Anno  
1566.

**I**N grauisimis atque implicatissimis contro-  
uersijs, quarum mihi vni propugnationem beneuolentia  
istorum consensus detulit (Augustissima Principis  
etiam conspectura es hominem adolescentem in  
Marte cum bellicosus militibus singulari certamine  
dimicantem: tamen hortante Philosophia pro  
firmitudine quæ tibi cum ea, literatæ Principis  
principe literarum est, impetrare debet, vt se quoque  
sicuti cæteras florentissimarum artium disciplina  
dignam putes, quam præsentia, patientia, attentione  
cohonestes & exornes & illustres. Non enim  
reus, ne non iucunda atque optabilis isthæc  
ra concertatio sit; præsertim cum illis de rebus  
ditura, quibus maiores tui, diuini sanè homines  
ficè delactati sunt. Illis de rebus, quarum suauitate  
generosa indoles auidissimè capi, teneri, expleri  
let. Illis de rebus, quibus & Henricus auus tuus, &  
Henricus pater tuus operam ac oleum tribuit. Illis  
de rebus, in quibus nihil est humile, angustum, aut  
depressum. Tantum quantumcunque est (quod cer-  
tè maximum est) totum est elegans, subtile, magnificè  
regale, perfectum ingenio, elaboratum industria.

*Fælices animæ quibus hæc cognoscere primum  
Inq; domos superas scandere cura fuit.  
Credibile est illos pariter vitijsq; iocisq;  
Altius humanis exeruisse caput.*

Quare quod nos præsentis præsens inuisere; quod audire disputantes, quod assidere nobiscum auida bonarum literarum voluisti ( florentissima Princeps) cum hominibus in hac mediocritate fortunæ constitutis, nihil tu quidem alienum facis, nec auitis laudibus, nec nostra spe, nec opinione omnium, nec pristina facilitate tua. Quin etiam tibi (magnifice Cancellarie, Comes Lecestriæ illustrissime) præter cætera tua diuina atque immortalia in Academiam nostram merita quantum hoc nomine debeamus, nec diffiteri si velim possim, nec dissimulare si possim debeam. Tu illam non nolentem excitasti, tu illam volentem concitasti, tu illam currentem incitasti. O serua tu qui potes hæc nobis bona, hunc obsecro vt seruet maiestatem tuam; honorem tuum: Te parentem; te tutorem. Te quæ sic facis; te qui sic mones: Te quæ hæc seruas; te qui hæc curas: Te quæ nos ornas; te qui nos amat. Te qui nos securos; te quæ nos beatos facis. His de rebus tam multis & tam magnis non modò gratias agere & habere tantas, quantas capere animo atque metiri possumus, sed etiam grati esse vehementer, si possumus, volumus Aurum, vestem, delicias, pictas tabulas, magnificos apparatus, quia nostra non sunt, sed fortunæ: non possidemus: quæ possidemus, intra nos sunt, intra nos sunt, quæ dono damus, damus autem de his quæ penitus inclusa, de venis, & visceribus philosophiæ: hæc duo quæ recitata sunt doctrinæ capita discutienda, in quibus quo facilius videre possiris, qui sit meus sensus, & status, pauca præmittam, eaque paucis, tanquam camenta quædam

quædam torius ædificij & semina defensionis maris.  
 Primum sic statuo, & sic animum induxi meum, æg-  
 tationem illam reciprocam patentis Oceani tam sus-  
 pendam atque admirabilem quem fluxum maris et  
 que refluxum vocant, lunæ tanquam efficienti prima-  
 riæque causæ rectè à philosophis ascriptam esse  
 se. Quis hoc constare potest? rogas; Quare ab Astro-  
 gis. Quid illi? Luna (inquiunt) humidis dominatur  
 regnat, ibi triumphat, illa se iactat in aula. Quis scis  
 quidem vltima cœlo, citima terris, lumine lucens ab-  
 no, tantam ac talem vim, commoditate loci, qualitate  
 sui, differentia luminis, optimo iure sortita est. Audite  
 etiamnè amplius? Medicos audi. Omnia (inquiunt)  
 plenilunia, nouilunia, interlunia, quartimas, septi-  
 mas, aspectus omnes diligenter accurateque observa-  
 mus, quod Luna crescente ac vigente, corporum hu-  
 mores soluti fluunt & exundant: ea deficiente con-  
 crescunt denuò. Quid tum? Physicos audi. Aqua ma-  
 rina mixta vaporibus insigniter crassa, arctiorem in  
 cum tantisper conglobata est. quoad in hemisphæra  
 maritimæ regionis luna conscenderit, ac illam distan-  
 tiam fregerit, concretiora dissipauerit, densiora  
 coxerit. Ex his omnibus hæc summa nascitur: acceden-  
 te luna propius mare solutis & liquefactis vaporibus  
 quibus vndique refertum atque commistum est (non  
 secus quàm aqua in olla ad ignem posita) protinus  
 ebullire & exæstuarè: eo fieri vt statis temporibus  
 aqua rariori mirabiliter auctum diffuat, ac dein par-  
 latim deferuescentibus Lunæ radijs, se colligat, ad se  
 redeat, & in suum alueum subsidat. Id quod nostri  
 refluxum maris ad recessionem vocant. Dixi de prima.  
 Audite alteram. Hæc inferiora corpuscula, ab illa  
 cœlestium vi, lumine, motione Syderum, orbium, pla-  
 netarum, afficiuntur & gubernantur. Animaduere-  
 rent sanè excellentes viri, & alta quadam mente præ-  
 diti certis quibusdam circumscriptis naturæ cancellis  
 reperi-

teneri omnia, moueri omnia, nihil à se, ab agente omnia, caduca ab æternis, infera à superis, incerta à certis, secunda à primis pendere. Infinitatem causarum ac motionum communi iam omnium sensu exterminatam è scholis, & explosam extitisse. Esse aliquid primum, vltimum, summum, vniuersale, sempiternum, eius in arbitrio ac nutu, tanquam in gremio parentis, hæere cætera oportere. Hæc agendi vis in cælum cadit. Cælum agit, hæc aguntur: Cælum primum est, hæc vltima, Cælum summum est; hæc infera: Cælum æternum est; hæc caduca: vt vno verbo multa complectar: cælum regnat; hæc reguntur. Sed iu hac tanta controuersia quando tempus volat, & me vocat, quæ cautiones obseruandæque difficultates explicandæ sunt, eas in ipso congressu facilius & minori cum molestia, si opus fuerit, expediemus. In eo si quid futurum est, quod Celsitudini tuæ, vobisque lectissimi atque ornatissimi viri, aut vsui aut voluptati esse possit, peto & quæso à vobis, animo vt aditis, qui corporibus adestis, & istos fortissimos adolescentes, qui contra me prælium inituri sunt, æquiter deinceps & patienter audiat. Dixi.

---

EDMUNDVS CAMPIANVS  
RICARDO STANIHVRSO.

S. D. P.

**C**ommentarios in Porphyrium tuos, singulari iudicio diligentiaque laboratos, legi sanè cupidissime, mirificeque lætatus sum, esse adolescentem in Academia nostra, tali familia, eruditione, probitate, cuius extrema pueritia cum multis laudabili maturitate viris certare possit. Maeste verò, Stanihurste, ista sedulitate & industria, abde te in literas, cursum

sum